



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Carolus Magnus non renuntiavit huic juri, tametsi antiquos canones
observari jusserit. Nihil interim turbarum excitatum est ob elecetiones
Episcoporum.

urn:nbn:de:hbz:466:1-15617

& Imperij Lib. VIII. Cap. XII. 403

drianus dat in mandatis duobus Episcopis ut discutiant Lulli Moguntini, quæ facta jam fuerat de consensu Pippini Regis, ordinationem, *adjunctis sibi Missis glorioſi ac ſpiriſalis fili⁹ nob̄i Caroli Francorum Regis.*

II. Neque verò Carolus illi potestati renuntiavit, quandiu superstes fuit, liberam electionem Clericis & civibus relinquendo juxta canones hac de re editos; quorum nullam facit mentionem in solenni illo Capitulari Aquisgranensi, quod conditum fuit anno Septingentesimo octuagesimo nono, & relatum est postea in librum primum Capitularium. Illa quidem constitutione renovat omnes canones qui disciplinam episcopalim status respiciunt, adductis canonum verbis Nicæni, Antiocheni, Sardicensis, & Chalcedonensis Conciliorum. Sed canones qui de ordinationibus Episcoporum decernunt omnino omittr. In Concilis autem quæ per Gallias ad restaurandam disciplinam acta sunt anno DCCCXIII. ex ejus admonitione, ne vestigium quidem ullum extat querelæ pro restituendis aut conservandis electionibus, quod tamen negotium in singulis ferè anterioribus synodis summa cura discutiebatur.

III. Suspici poterit aliquis Carolum auctoritate synodi Romanæ, cuius meminit Gratianus, fultum, electionum jura neglexisse. Sed cum synodi illius veritas ab illustrissimo Cardinale Baronio vocetur in dubium, necesse est ut nostram hac de re sententiam proferamus. Certum quidem est primum qui ejeſce synodi meminerit fuisse Sigebertum Gemblacensem in Chronicō ad annum DCLXXIII. ex quo transcripsit Gratianus dist. LXIII. Docet itaque auctor ille Carolum ex obsidione Papæ Romanam contendisse, & Paschæ festo ibidem peracto, redivisse in castra, Papiamque cepisse, statim verò secundum iter Romanum instituisse; ubi Hadrianus primus Papa cum synodo universali CLIII. Episcoporu[m] & Abbatum Carolo dedit ius eligendi Pontificem & ordinandi apostolicam sedem, dignitatem quoque Patriciatus. Insper Archiepiscopos & Episcopos per singulas provincias ab eo investituram accipere definivit. Et ut nisi à Rege laudetur & investitur Episcopus, à nemine consecretur. Omnesque huic decreto rebellēs anathematizavit; & nisi resplicerent, bona eorum publicari. In Chronicō Sigeberti legitur principatus, nullo sensu. Sed in variis MSS. & apud Gratianum ē Sigeberto legitur, Patriciatus.

IV. Commentitium istud Concilium à Sigeberto confictum ut Henrici Imperatoris partes, cui favebat, hac auctoritate muniret adversus Paschalem secundum, con-

Tom. II.

queritur atrocibus verbis Baronius. Imposturam autem ex eo probat, quod hujus synodaltum silentium sit apud Eginhardum & ceteros coævos annalium scriptores. Deinde quod secundum istud post Papiam capitam institutum à Carolo iter confinxerit Sigebertus contra apertum testimonium Eginhardi, qui quater tantum Romanam advenisse Carolum testatur. Primus ejus adventus fuit hoc anno Septingentesimo septuagesimo quarto, secundus anno Septingentesimo octuagesimo, tertius anno Septingentesimo octuagesimo sexto, quartus anno octingentesimo. Concidit ergo quintus ille excogitatus à Sigeberto. Duo isthac argumenta vim non exiguum habent, qua planè carent tertium & quartum.

V. Tertiò contendit impossibile fuisse ut Concilium celebraretur, ob temporis angustias quæ intercedebant inter deditiōnem Ticini & properatum redditum in Gallias ad reprimendos Saxones; intra quod intervallum non poterant evocari Romam CLIII. Episcopi ē locis longè dissipit. Sed responderi potest numerum illum conflatum fuisse ex Episcopis & Abbatibus qui frequenter fuerunt Romæ unā cum Carolo ē Gallia & Italia; à quibus subscripta fuit donatio luculenta provinciarum quam Romanæ Ecclesiæ contulit Carolus, teste Anastasio in vita Hadriani. Si vera esset investiturarum concessio, tunc fieri potuisse ad rependendum ingens illud à Carolo collatum sedi apostolicæ beneficium. Si novum synodum ponamus cum Sigeberto, poterant facilè convenire idem illi Episcopi qui primum adventum Caroli honestaverant. Nec enim statim ab urbe capta Italiam deferrit Carolus; qui novum regnum legibus & præsidii firmavit, missis interea copiis adversus Saxones.

VI. Quartum argumentum ceteris praestare videtur, scilicet confirmatum fuisse ius electionum à Carolo, nec meminisse ullius privilegij ab Hadriano in contrarium indulci cui derogaretur. Sed corruit omnino. Etenim electionum episcopalium libertas, quæ constituitur libro primo Capitularium, quem citat, non pertinet ad Carolum, sed ad Ludovicum ejus filium, qui constitutionis est auctor, ut poeta ostendemus.

VII. Addit quintum argumentum, petitum à nomine *Investiture*, quam vocem illa tempestate contendit fuisse incognitam. Attamen, ut notat Lindenbrochius in Glossario ad leges antiquas, vox illa etiam temporibus Caroli magni usitata erat. Ut mirum sit, inquit, virum multe & varie lectionis id negare ansūm. Loquitur de Baronio. Sed ad episcopos

Vide Notas Balduzij ad Concilia Gallie Narbon. pag. 33.

Eee ij